



HOËRSKOOLOUERS

TOELATINGSBELEID

INLEIDING:

1. Die toelatingsbeleid van Hoërskool Wesvalia is in alle opsigte onderhewig aan die SA-Skolewet no. 84 van 1996 asook die Noordwes-Onderwyswet van 1995. Die toelatingsbeleid en -vereistes word binne die bepalings van die Grondwet en met goedkeuring van die besondere ouergemeenskap van Hoërskool Wesvalia deur die Beheerliggaam van die skool bepaal.
2. By aansoek om toelating neem elke leerder en sy/haar ouers kennis van die Christelike karakter en algemene etos van die skool soos verwoord in die visie, missie en waardes van die skool, asook die gedragskode vir leerders.
3. Die onderrigmedium van die skool is Afrikaans.
4. Die verantwoordelikheid om die toelatingsvereistes soos in die lig van die visie, missie, waardes en doelstellings van die skool toe te pas, berus by die hoof.

TOELATING TOT HOËRSKOOLOUERS:

1. Leerders word toegelaat sodat daar in hul opvoedkundige behoeftes voldoen kan word sonder dat daar op enige wyse onregverdig gediskrimineer sal word.
2. Geen toets wat verband hou met die toelating van 'n leerder tot die skool sal afgeneem word nie, maar toetse vir plasing in 'n spesifieke vakgroepering/klasgroepering mag wel afgeneem word.
3. Geen leerder sal toegang tot Hoërskool Wesvalia geweier word op grond daarvan dat sy/haar ouers nie in staat is om skoolgelde soos deur die Beheerliggaam kragtens artikel 39 bepaal, te betaal nie.

VOORWAARDES VIR TOELATING:

1. Nuwe leerders moet telkens voor die einde van 'n voorafgaande jaar registreer vir toelating tot die volgende jaar. In uitsonderlike gevalle sal registrasies nog oorweeg word tot en met die tiende skooldag van die volgende jaar. Leerders wat reeds in die skool is, registreer nie weer nie.
2. Alle leerders van graad 9 tot 12 moet 'n oorplasingertifikaat vanaf die vorige skool toon alvorens registrasie kan plaasvind. 'n Oorplasingertifikaat word wel van graad 8 leerders verwag indien hulle ná die tiende skooldag vir registrasie aansoek doen.
3. Alle leerders wat gedurende die jaar inskryf moet asseblief 'n volledige portefeulje asook punte verwerf saambring.
4. Ouers of wettige voogde van alle nuwe graad 9 tot 12-leerders en graad 8-leerders, na die tiende skooldag van die betrokke jaar, moet persoonlik aansoek doen om toelating en 'n onderhoud met die hoof is verpligtend. Geen leerders skryf hom-/haarself in nie.

5. Slegs leerders wat in besit is van die korrekte, volledige skooldrag word toegelaat.
6. 'n Leerder sal slegs toegelaat word indien die hoof oortuig is van 'n goeie akademiese en skolastiese standaard of bedrewenheid, asook bevredigende gedrag by 'n vorige skool.
7. Alle leerders word toegelaat op 'n 3 maande proeftydperk ten einde te bepaal of die leerder sinvol kan inskakel en deel word van die Wesvalia etos en kultuur.

AANSOEKE WAT NIE AANVAAR SAL WORD VIR TOELATING NIE, BEHEL:

1. 'n Leerder wat nie voldoen aan die aanvaarde ouderdomsnorm wat geld ten opsigte van die graad waarvoor toelating verlang word nie.
2. 'n Leerder wat in die betrokke jaar 16 of ouer word en nog nooit skoolgegaan het nie.
3. 'n Leerder waarvan die dokumentasie vervals is.
4. 'n Leerder wat by 'n ander skool of koshuis amptelik geskors is of gevra is om die skool of koshuis te verlaat.
5. 'n Leerder wat in 'n onafgehandelde kriminele saak betrokke is.
6. 'n Leerder wat nie skoolpligtig is nie en reeds die skool verlaat het.
7. 'n Leerder wat graad 12 reeds suksesvol afgelê het.
8. 'n Leerder wat twee keer dieselfde graad gedruip het, sal nie tot die skool toegelaat of hertoegelaat word nie.

AANSOEKE WAT SLEGS NA DEEGLIKE ONDERSOEK, BERAADSLAGING EN GOEDKEURING VAN DIE BEHEERLIGGAAM OORWEEG KAN WORD:

1. 'n Graad 12-leerder wat vir 'n tweede jaar hertoegelaat wil word tot Hoërskool Wesvalia.
2. Graad 12-leerders van ander skole wat aansoek om toelating doen.
3. 'n Leerder van graad 8 – 12 wat vir een skoolkwartaal of langer geen skool bygewoon het nie.

VOEDINGSAREA:

1. Leerders woonagtig binne die natuurlike voedingsarea van Hoërskool Wesvalia sal voorkeur geniet by toelating.
2. Leerders wat vakke kies wat slegs by Hoërskool Wesvalia aangebied word, is nie onderworpe aan die bepalings oor voedingsarea nie.

KAPASITEIT:

Hoërskool Wesvalia beskik oor plek vir 840 leerders.

ONDERNEMING:

In **ALLE** gevalle sal ouers of wettige voogde by aansoek om toelating vir 'n leerder die volgende **moet** onderneem:

1. Om toe te sien dat die leerder in alle opsigte en te alle tye die volledige gedragkode en skoolreëls sal eerbiedig, by gebrek waarvan ouers self die nodige regstelling sal bewerkstellig sodat skool en ouerhuis deurgaans kan saamwerk. Ouers en leerders neem kennis dat die hoof, of sy gedelegerde, volgens die SA Skolewet 84 van 1996, na 'n redelike vermoede, leerders kan toets of deursoek vir verbode middels en/of gevaarlike voorwerpe.
2. Om ten volle verantwoordelik te bly vir die betaling van skoolgeld vir die leerder soos bepaal deur die Beheerliggaam in samehang met die SA-Skolewet of om aansoek te doen vir subsidie.
3. Om ten volle verantwoordelik te bly vir die vooruit betaling van koshuisgeld, indien van toepassing, vir die leerder soos bepaal deur die Beheerliggaam.
4. Om toe te sien dat leerders daaglik betyds by die skool of aktiwiteite besorg word en na skool of aktiwiteite gehaal word en dat leerders slegs by hoogste uitsondering nie skool of 'n gedeelte van 'n skooldag bywoon nie.
5. Om die skool altyd te ken indien daar om watter rede ookal 'n probleem is om enige onderneming aangegaan, gestand te doen.

OUDERDOMSVEREISTES:

Die ouderdom van 'n leerder moet by aansoek om toelating voldoen aan die aanvaarde norm wat geld ten opsigte van enige graad, soos hieronder bepaal. Behoudens merietegevalle soos deur die Beheerliggaam bepaal, word geen leerder tot die skool toegelaat nie, sodra hy/sy die volgende maksimum ouderdomsperke oorskry, naamlik:

Graad 8	:	15
Graad 9	:	16
Graad 10	:	17
Graad 11	:	18
Graad 12	:	19